



江蘇省地方志編纂委員會辦公室 編

江蘇歷代方志全書



江蘇省地方志編纂委員會辦公室 編



鳳凰出版社

江蘇歷代方志全書

49

省部

ISBN 978-7-5506-2279-1



9 787550 622791 >

圖書在版編目（C I P）數據

江蘇歷代方志全書. 省部 / 江蘇省地方志編纂委員會
辦公室編. — 南京：鳳凰出版社，2015. 11
ISBN 978-7-5506-2279-1

I. ①江… II. ①聞… ②陳… III. ①江蘇省—地方
志 IV. ①K295.3

中國版本圖書館CIP數據核字(2015)第252778號

- 書 名 江蘇歷代方志全書·省部
編 者 江蘇省地方志編纂委員會辦公室
責任編輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話025-83223462
出版社地址 南京市中央路165號, 郵編:210009
出版社網址 <http://www.fhcbs.com>
經 銷 鳳凰出版傳媒股份有限公司
印 刷 揚州文津閣古籍印務有限公司
揚州市開發區鴻揚路22-2號(6幢), 郵編:211153
開 本 889×1194毫米 1/16
印 張 1863.25
版 次 2015年11月第1版 2015年11月第1次印刷
標 準 書 號 ISBN 978-7-5506-2279-1
定 價 39200.00圓(全四十九冊)
(本書凡印裝錯誤可向承印廠調換, 電話:0514-87969255)

江蘇省通志稿（二十二）



繆荃孫
馮煦等纂修
莊蘊寬

第四十九冊目錄

江蘇省通志稿（二二）		〇〇一
江蘇六十一縣志		

江蘇通志人物志稿

補傳四
官師

江蘇通志前編人物志稿

補傳
官師

江蘇通志補遺

卷三百三十七

官師

余肅元江西德化人乾隆乙卯舉人嘉慶己未進士刑部主事
游升郎中授江蘇鎮江知府調江甯府應署江安糧儲河庫巡
巡各道奏升徐州兵備道肅元守江甯先後十四年天懷恬退
不求速化雨遇水災力請上官發廩府捐振濟全活無算振興
文教諸生課藝必親為品定士林誦之徐州路南河上游巡道
所轄八廳銅沛以下險工如林豐蕭則號多隱患肅元運河有
駱馬隅頭諸湖及七閘舊洩事宜頗允劇肅元以河務非所素
習刻意講求無虞不躬親相度卒能累奏安瀾度吏亦大有節
畷而其他地方遠毗連三省獄訟滋繁經總督奏准與淮揚
淮海兩道得主決大辟以下軍流雜犯厥任尤重肅元精心勘
覈無枉無縱在任三年精力疲殫卒於官歿之日吏民思之

600

王有慶字餘齋號善舟直隸天津人七歲受書勤苦倍成人稍
長慨然有志聖賢之學嘉慶六年舉人十八年豫東用兵有慶
棄筆從軍以功保知縣十九年選授江南豐縣知縣擊斷明決
猾胥束手不敢為姦訪訟師治其罪有劉搭拉者死而未獲其
尸訪知陳即頭佔其妻賈氏曰得之矣拘陳與賈至陳忽作劉
語曰今見青天矣先是陳與賈通與其友張二謀乘劉醉坑之
於途於是一鞠其服並置諸法又許文豹者殺人數年不能具
獄訪之古廟遇其黨乃得賈遂定讞李大麻子者豐之巨族也
有勇力善騎射戾戾教匪之亂聚賊有聲賊銜之其黨誣其與
匪通總督百齡檄有慶緝之衆請以兵往有慶曰練勇以衛州
里義士也宜無罪當善告之若懼之以兵彼必遁去是真驅之
為匪矣乃變服至其家李出問姓氏有慶以實告且曰毋恐吾
吾知爾必能脫汝於死也竝騎至縣繫送督轅鞠之無實遂釋
歸豐故多盜竊授捕役方畧偵所在盜無不獲者山東教匪郭
永清匿河南永境城乘夜猝至其地擒之鉅野大盜匿豐沛間
積年不獲誘擒之無脫者嘗言欲拜盜先治捕治捕無他恩威
並用而已故嘉慶三年盜皆屏跡無所容督撫上其功擢知州
二十三年調元和至三月舊案悉清先無一宿牘有兄弟某相
告許有慶輒自訟德薄以天性愷切論之咸感泣而去其折獄
原情定讞雖戚怒未嘗輕用刑在元和六年政蹟卓然大吏疏

擢泰州知州會吳中復大水留辦災振事畢之泰州任總督以
洪湖決口改海運特檄有慶往天津收米還加知府銜捐貲振
水災嚴侵冒謹支放飢民無負嘗著救荒要論其要則歸於
得人明年麥秀双歧州人繪圖以獻一時士大夫爭題詠之升
太倉直隸州知州未蒞任署松江知府會潘吳淞江總督檄有
慶督治之初有慶卒元和時嘗論蘇松常三郡之水以震澤為
尾閘嘉慶年間開潘吳淞江費民錢二十餘萬迄未成功今吳
淞江瀏河皆淤塞成田獨湖水淺狹葑茭蔓延宜次第開濬疏
濬塞以資蓄洩而備旱澇制軍建之而不能用至是奏請疏
濬一如其言下車即徧禁諸淫祀葺名宦祠拔節婦子以示旌
勸案牘皆手自清理法比精密吏民畏懷八年擢淮安知府淮
兼轄河務每聞報水過礙若干即乘舸沿河上下引流曬渠填
宣防嚴啟閘飭材料卹徒庸覈功罪信賞罰奉職據法一無所
撓九年調蘇州夜輒變服出巡手理積獄終日生堂皇口占手
判不假群吏以勞卒官年六十

沈兆漢字雲集直隸天津人嘉慶十五年舉人二十二年進士
改庶吉士道光二年授編修十一年外授松江知府值旱蝗輯
捕蝗備要飭屬行之復發倉穀五十石捐廉平糶修濬曰節劉
河以代振全法甚便江督陶澍揭其治行入告加道銜大計薦
卓異陞江安糧道督運北上親巡各船懲蠹升悍夫而周其
疲苦者復以蘇省水災減軍船加給銀米以恤船丁漕督楊殿
邦奏聞上從之再以卓異舉陞河南按察使浙江布政使

7.

吳其泰字希節河南固始人嘉慶十八年舉人二十五年進士授編修遷江南道御史道光九年簡授浙江湖州府知府調杭州遷江蘇松太道所屬秋禾敗雨流民載途首捐俸金養老弱收遺穉擇壯有力者開濬白茆河貸諸工又慮食穀穀價必騰復議廣勸輸通商羅併購粟作糶糜啖民以罕而甘之凡隱積鈞利者計志沮全活幾三萬人尋謝病歸越三年起授廣東肇羅道調江西糧儲再調江安未行值粵匪犯江西巡撫張芾奏留防守省城歲豐三年遷江蘇按察使時粵匪已陷江甯諸郡縣徵兵數萬習與浩繁其泰至即兼理軍儲案牘環呈心籌手判訖終任獄既無濫而兵食亦充吳江民陸孝中聚眾抗糧巡撫欲馳勦之其泰謂兵出適以速變請自往捕誅孝中及其弟姪數人一方胥靖五年遭母喪歸一年卒

9.

怡良瓜爾佳氏滿洲正紅旗人道光十三年正月調江蘇按察使署江蘇布政使八月實授兼護理巡撫十年糧船水手糾戾行劫飭屬緝獲奏明懲辦十七年奏請緩徵江淮各屬舊欠九之十八年權廣東巡撫咸豐二年授福州將軍三年二月授兩江總督時髮逆陷江寧命迅赴新任並將前調福建精兵二千名催赴江南防勦五月帶兵駐常州防堵九月收復川沙廳城擒誅從逆要犯十月奏勦上海逆匪獲勝並獲乍浦賊艇絕其外援十二月奏河運水涸難行海運必由揚州各途出江逆氛尚熾未敢冒險嘗試擬查照江廣易米解銀之議下部議議四年正月奏陳上海洋人情形略言上海通商已逾十年傳教更久莫可輒救必須設法制馭洋人絕其倖災之心俾不能從中取利計惟以保護客商為名密咨閩浙江西等省通飭販運湖絲茶葉商人如有運赴上海銷售者均行停止俟克復後方准照例運買則彼失其自然之利必願迅速克復自能嚴為查察濟賊奸民定可斂迹時戶部籌議浙江海運章程改由劉河口受放洋上以劉河口為江蘇所轄恐浙江委員呼應不靈命怡良派委大員設局妥為籌辦二月戶部奏參江蘇海運辦理遲延下部議處尋奏言江蘇各廳州縣向有攤補官墊民欠及兵差不敷等款皆係現任各官以徵收錢糧之美餘彌補前官之欠項該州縣時有奏明派擬之案即明目張胆暴斂橫徵究之

所補無幾而小民之脂膏剝殆盡以致民欠日多不得已而辦歉收懇恩緩徵逾年推廣徒有攤補庫項之虛名轉致短收正供之大弊於政體國計兩無補益本年新漕既經蠲減後徵又將向年積弊一概掃除各州縣已無羨餘可得懇將此款暫行停撥俟軍務告竣察看情形辦理得旨允之官軍攻上海不克兵潰先是怡良嘗奏准北引鹽滯銷販情拮据請將代納淮南鹽課暫行停納尋副都御史袁甲三奏請就在填積鹽課運濟餉部議如甲三奏閏七月怡良奏籌運濟餉之議窒礙難行其代納淮南鹽引一款仍請暫停上以怡良既稱可以維繫新綱又無傷於釐局自必確有把握命會同河道總督楊以增設

法辦理袁甲三無庸會辦九月袁甲三條陳淮北鹽務並奏署鹽運使郭霽霖違判許惇詩營私捏詐朦朧怡良上命怡良派員嚴究五年正月覆奏查明郭霽霖許惇詩尚無挾私舞弊惟惇詩於袁甲三批駁各條延不稟復得旨許惇詩交部議處所有淮北開網徵課及籌補減免鹽引事宜責成怡良認真整頓並諭袁甲三帶兵皖省無庸兼辦鹽務其淮北一帶疏通銷路命安徽巡撫福濟協同怡良督銷初怡良奏准南引地梗阻灶丁失業擬請試行就場收稅之法經戶部將耐場食鹽抽稅議覆准行其出江岸鹽仍令照就場徵課則至是奏言東堤以上江路不通銷鹽無路灶戶煎丁顛連困苦照三百文抽納販

情尚未踴躍若更議加增竊恐有名無實不得不權宜變通請將東堤出江岸鹽仍照原奏辦理下部議行三月淮北鹽綱行銷皖豫日形壅滯怡良奏言因各販運鹽往由阜陽霍邱固始縣界所有船戶等肆行舞弊致虧客本又信陽羅山二處為行銷最暢之區光山係必由之路近亦私設鹽卡盤踞需索以致客販畏葸不前得旨令巡撫英桂福濟各飭所屬於淮鹽徑過處拏禁船戶人等私賣攔扣等弊十一月奏准北銷鹽未暢未便將鹽鈔雜款責令填販加帶致誤正課所有外支往費協貼淮南尚慮不敷實難再增鹽鈔一款准南引地連遭賊擾至今片引不行見辦設廠抽稅正項錢糧尚且減徵此項鹽鈔尤屬無

從籌款請俟口路肅清准商開辦新綱再行通盤籌辦命下所司議行十二月以潮勇在蘇州滋擾搶奪行李請禁私船出海上命沿海督撫各飭所屬於海船出洋時悉遵舊制不准私造船隻渡載人口貨物六年正月會議海運章程十條又奏皖豫捻匪猖獗徐州戒嚴請飭漕運總督卽檄馳赴清江督辦江北防勦又遵旨查江蘇辦理歉緩情形覆稱布政使楊能裕實無偏護屬員捏報荒災之弊七月命暫署欽差大臣督辦江南軍務八月以舊病復發請簡欽差大臣上命和春馳往接辦時淮北通泰所屬各場被旱怡良奏灶丁困苦異常若不亟籌撫恤恐致流而為盜請留折銀及協貼銀萬兩備撫恤灶丁之用得

旨准其動用又查參總兵虎嵩林赴援金坛遲延不進致逆匪環城築壘復任聽兵勇退至丹陽縣之珥陵幾至貽誤事機請革職暫行留任允之金坛圍解又檄虎嵩林折回金坛相桂防堵總兵李杰和帶勇駐紮金珥以防回竄丹陽仍嚴飭各鎮互相聯絡以固蘇門戶時上憲福興張國樞與士卒同甘苦每查怡良奏言二人並無不和情事惟張國樞與士卒同甘苦每戰必親臨陣將士之優劣皆了然於胸故所向有功能得士心福興則穎敏明白慮遠思深而勇往不及張國樞兵民無知不免有重張輕福之心因之或有芥蒂今雖未形諸外恐久之必有齟齬如能俟和春到營後將福興調離江南必能有所展布疏入旋命福興赴江西勦賊又偕江蘇巡撫趙德輿奏言廣東潮州等處著民以投壯勇為名散處蘇州城外獮悍不法持械行劫盜案疊出密飭員弁帶領兵勇於閭門外分路截擊一百九十餘名獲器械贓物無算治如律十一月復以久病先後請假調理得旨賞假兩月復奏江蘇上年旱蝗成災米缺價昂餉需無出請留起運交倉漕糧二十五萬石以充軍餉如所請行四月奏病難速痊請開缺回旗允之同治二年卒

周天爵山東東阿人嘉慶十六年進士以知縣歸部選用道光四年選安徽懷遠縣知縣十七年九月應升授漕運總督十八年十一月以漕船帶運疏陳速漕利運事宜畧言南糧渡黃以後東境張河開並東昌迤北戴灣閘等處節節淺阻勢難惟趙宜疏理洸泗之泉渠塞黃北嶺缺口並濬微山湖出水之渠緣微湖水勢北高於南若越韓莊迤南二三里挑一引渠則微湖底水不能出者可放出三尺許又於閘河倍挑淺工衛河添設草堤旱春鋪水自分水口向南流者宜早堵閉閘河北柳林二閘俾水專力南趨以濟運艘向北流者幫船未到宜緩時日以免虛耗上是其言尋著湖廣總督旋因事褫職遣戍伊犁二十二年六月英船竄擾江蘇臨鎮江府賞天爵四品頂戴以知府候補交欽差大臣耆英等差委尋命馳赴清江辦堵事務九月命辦理淮揚善後事宜尋賞二品頂戴著漕運總督十一月兼署南河河道總督遵旨查漕務積弊奏上九行時有捻匪繼紅者與其黨馬宗禹等在江皖豫三省接壤處糾眾滋擾拒捕傷官天爵飭屬先後訪緝治如律尋奉陽縣知縣陳葆森誤認民人即見立為縱紅之文拘繫到案上詳天爵以提訊濫刑奪職留任二十三年五月因失察漕書密錫漕督閔防降四級留任九月因病陳請開缺得旨以二品頂戴休致三十年署安徽巡撫旋實授復命以兵部侍郎銜辦理防勦事務時粵匪由揚

卅北上據臨淮關欲徑赴山東天爵以孤軍扼符離復馳入徐州據守旋因積勞疾作卒於軍遺疏入追贈尚書銜照尚書例賜卹並著加恩賜諡文忠無庸俟內閣照例擬請尋賜祭葬予光碧山東候補都司光岳舉人

16。

龐際雲字省三直隸寧津人咸豐二年進士選庶吉士旋改刑部主事參侍郎曾國藩軍金陵克復奏留江蘇保花翎授江寧鹽巡道時餘東商灶爭草蕩相久不決際雲剖判明允竝清丈其地商民德之同治八年署兩淮鹽運使加按察使銜光緒四年授淮揚海道值運河盛漲水且七尺應啟開際雲念啟開宜洩則裏下河編田志湮沒堅持十餘日水漲至丈餘始啟開稿已登塲過半矣應官至雲南布政使

28

薛光升陝西長安人咸豐六年進士以主事分刑部游升郎中
同治十二年授江西饒州府知府光緒五年歷升署理漕運總
督旋授刑部右侍郎籌防祁宿運河又挑濬河清等六閘其餘
各堤一律興堵江北徐海沐陽一帶素為積匪出沒之區光升
飭各巡道會同馬步各營殲滅匪首多名居民安堵六年四月
回京供職江寧三牌樓民人周五等謀殺朱彪脫逃未獲奏將
胡金傳誣拏僧侶標曲學如二人不勝酷刑誣服論死為翰林
院侍講學士陳寶琛所劾光升奉命偕理藩院尚書麟書往查
實承審各員皆按律定擬恩官至刑部尚書光緒二十七年九
月自西安鑾隨扈北行十月以疾卒於河南行次著有讀例存
疑五十四卷漢律輯存六卷唐明律合編四十卷服制備考四
卷

14

吳棠安徽盱眙人道光十五年舉人大挑以知縣用分南河二
十九年補江蘇桃源縣知縣咸豐元年調清河縣知縣二年山
東捻匪竄邳州棠時署知州擊破之高唐清三年六月丁母憂
時粵逆陷揚州將由高寶北竄命開缺仍留署清河知縣四年
太常寺少卿王茂蔭疏薦人材六年丁父憂仍留江蘇省辦事
七年叙勲辦緝匪功及勦捕徐宿捻匪出力命俟補缺後以道
員聖用八年擊退臨淮捻匪復六安來安等城特旨免補知府
以道員遇缺即補十年補雅徐道命幫辦江北團練事宜棠與
田在田督各軍屢次破賊尋權江甯布政使兼署漕運總督督
辦江北糧台並命統轄江北鎮道以下文武各官同治元年徐
州捻逆竄沐陽趨阜甯山陽棠派總兵龔權倫等會同團勇勝
之餘匪潰擾淮閩復擊卻之逆首李成等圍安東棠檄軍進擊
圍乃解二月提督李世忠等軍攻克浦六進軍九秋洲諸撥砲
船駐守上命吳棠會同江甯將軍都興阿酌撥兵船駐浦口以
資堵剿旋漁溝擒匪竄踞興集雖字營首魏坤坤等擄高資
棠分軍命勦皆敗之復飭軍夾擊鹽河賊時淮揚道缺裁撤棠
遵議淮揚道所轄揚屬地方事務歸兩淮運使管理其河務及
淮海兩屬公事統歸徐州道兼轄下部議行尋奏言竄捻不下
數萬請調撥科爾沁親王僧格林沁所統馬隊赴淮援應允之
六月清江南北兩岸圩工竣棠繪圖以進七月棠復署漕運總

督時運河以南肅清江蘇安徽山東河南四省邊界檢首蔓延此勦彼竄徐州府為四省交衝光祿寺卿潘祖蔭請設四界鎮道以專責成崇議覆頒俟大兵勦辦地方肅清再議隨地制宜上從之先是御史丁紹周奏陳江北厘捐積弊諭吳崇憲部定章程嚴禁擾累二年正月復任將軍富明阿疏劾有旨嚴飭崇尋奏參委員嚴邇等並請將委員廉謹者留貪員者去務期厘剔銅習以資實均如所請行三月實授漕運總督尋疏陳淮揚鎮營制事宜十條下部議行四月遵旨覆陳沿江敵捐並辦理圩工報開三年以勦辦清淮徐宿各匪功賞頭品頂戴仍交部議叙尋署江蘇巡撫偕兩江總督曾國藩等疏言見在江省又安一切應規復舊制請仍設淮揚道員缺下部議行四年二月調署兩廣總督崇奏賊股竄擾江境鹽阜沐陽一帶防務最要請收回署兩廣總督成命專辦清淮防勦上嘉其體國公忠不避難就易仍暫留漕運總督任五年七月江北湖河盛漲清水潭迤南陡決下部議處八月調補閩浙總督十二月調四川總督光緒二年卒尋賜祭葬予諡勤惠三年漕運總督文彬奏綜計崇筮仕以來自州縣以至漕督未離江北地方與淮徐士民患難相共十有餘載忠情依戀宜申報饗仰懇將崇事蹟宣付史館並於清淮徐州各建專祠九之子炳和恩賞舉人直隸候補道

120

祁宿藻字幼章山西壽陽人大學士嵩藻弟也道光十八年進士選吉士授編修特簡授湖北黃州知府歷升至江甯布政使咸豐元年河決豐北山東江北皆被水大學士杜受田奉命臨賑疏請以宿藻督辦江北賑務章程出其守定奏頒兩省行之及粵匪將東下宿藻馳往江甯括庫儲治軍械盡移兵糈及南門外商市因米入城號名義勇之士備戰守見督撫倉皇失措各存見意勸諫不聽乃偕祥厚等密疏上聞總督陸建瀛既被罪宿藻獨任事賊至力疾登綽指揮歷三晝夜城大兵單援師不至知事不可為在城上嘔血數升卒文宗悼惜加等優卹贈右都御史廕一子以知州用同治初江南平允嵩藻遺孀其遺觀得之城北僻地曾國藩以聞請附祀祥厚專祠追諡文節當城陷時署布政使鹽巡道涂文鈞江安糧道陳克讓江甯知府魏亨遠同知承恩通判程文榮上元知縣劉同縉江甯知縣張行澍同死之

150

薛煥四川興文人道光二十四年舉人報捐知縣二十九年選授江蘇金山縣署新陽縣咸豐三年報捐知府指省江蘇四年勦匪上海以堵禦功簡授松江府知府五年調蘇州府知府時廣東潮州等處羣民以投充壯勇為名散處蘇州城外持械為盜煥偵知匪蹤擒首從一百九十餘人誅之境內以安七年五月權蘇松儲道六月調蘇松太道八年遷按察使未履任十一月權江寧布政使十年二月賞加巡撫銜幫辦海口通商事宜三月粵匪竄陷常州煥復馳回常州防堵事宜又署兩江總督五月升江蘇巡撫仍署兩江總督時粵匪連陷蘇常太倉各州府縣六月復陷松江府青浦縣煥檄候補道張景渠等會民團克松江與總兵馮子材援金坛飭知縣劉卹膏集團分布真茹及江橋鎮又調兵分屯羅店月浦檄蘇州府知府吳雲等環攻青浦署常州府知府周沐潤規復江陰水船扼守江南防賊北渡飭遊擊富安等守太倉州七月賊犯上海煥與上海道吳煦等分門固守賊解圍去隨命參將陳汝霖復松江進攻嘉定青浦十一年七月疏請設立籌餉總局以候補道金安清總辦南北兩台籌項事務九月御史楊崇德等劾煥貪劣各款上命兩江總督曾國藩查奏以煥偷安一隅物議繁滋蘇省財賦之區賊氛正熾恐不能勝此重任奏入報聞是冬賊陷奉賢南沙逼近寶山及吳淞口煥咨請曾國藩派副將滕嗣林赴湖南募

精銳萬餘嗣林僅以七百人歸曾國藩奏派道員曾國奎赴沪助勦未能達至煥竭蹶布置而自浙江嘉湖相繼失陷後逆氛愈不可制兩省紳士多僦居上海羣請暫借英法兩國駐沪外助勦適賊自奉賢等處直犯上海英法文武協力抵禦同治元年正月煥具疏以聞有旨嘉獎賊犯松江美國人華爾及其副總領白齊文率隊迎擊敗之二月隨同官軍勦平天馬山辰山高橋蕭塘等處賊壘煥又檄李恒嵩會同外兵解泗涇園三月華爾會同英法俄三國兵攻破王家寺賊營上海西路肅清是月上命道員李鴻章署江蘇巡撫煥以頭品頂戴充辦理通商事務大臣先是有言煥增兵糜餉及借兵外國為非者四月煥疏言自咸豐十年上海解圍之後日與司道計議欲守城池先在扼防要隘是以為松江而設塘橋泗涇廣富林諸營為上海而設七寶真茹野雞墩諸營為宝山而環城設營年來大小數百戰而賊不能直薄城下者未嘗不賴堵截之師此增兵之萬不容已者也自蘇浙有借兵助勦之說遂謂洋人為可恃不知洋人之向背視我之強弱為轉移兵力不厚則為彼所輕至管兵勇實多將材抑良更有認認過計者華爾本吳煦等處募教習兵勇若練成功旅歸我調遣何嘗不善乃自五戰五勝以來隱然不受羈勒之意且每戰必求重賞給與亦未易盈吳煦等猶以為長城可倚竊謂駕馭外國之人似應操縱在我惟有

默為裁制以化其桀驁之氣庶可得其用而不受其害是月授
全權大臣辦理比利時國通商事務十二月命煥來京另候簡
用工部右侍郎五年五月請假回籍省親十二月籲請終養光
緒六年卒

26

譚鈞培字賓賓別字序初貴州黎鎮遠人咸豐九年舉人同治
元年進士改庶吉士散館授編修十二年冬簡授常州府知府
明年之仕南下車而宜興適以毀教堂將成大獄教堂主者責
望良奢為最起釁之由剖明曲直乃始俯首無辭薄償其所失
而去常州文廟自毀於兵十年未建履畝勸捐以修復之宜興
一巨利任優婆夷聲甚熾毀之而改建明諸文忠公祠馬蹟山
中野豕害稼烈山澤而燬之殄滅無遺光緒三年調補蘇州府
治蘇如治常以蘇城私鑄充斥設鑪大堂銷毀私錢而償其直
有自以私錢請毀者毀之而還其銅不數月國法復舊四年以
卓異聞署徐州道值河南大旱饑民南走皆入徐境四野騷然
因葺廢壘以棲之籌錢粟以活之徐故多盜精練卒徒殲除巨
盜輕騎滅從巡行曲鄉存問疾苦勸課農桑其時有禁種罌粟
之詔先宣布上意屆期稅駕田間以董率之艾雜殆盡民無怨
咨五年正月遷山東按察使調湖南按察使五月詔授
江蘇布政使數月四遷而以大府奏留猶在徐州道任其年入
覲有辦事認真之獎及蒞蘇尋奉命護理江蘇巡撫首陳端風
俗正人心一疏同治初恩減屬漕糧而嘉定寶山兩縣每畝止
徵米二升有奇科則本輕不在減例其實徵米之外更有折漕
銀兩銀米合計名輕實重公疏請將折漕銀兩仍歸本色核入
見徵米內凡在五升以上仍照常鎮二屬恩減之例酌減十分

之一又金匱縣被兵尤酷田野荒蕪連年展辦抵徵折色部文
疊催復舊疏言常鎮漕糧雖曾普減一成而該縣新科米折尚
有在五升以上者若改徵本色較前辦抵徵幾加一倍請於十
分之中再減一分四厘以蘇民困從之六年七月詔署漕運總
督時上山水大發洪澤湖溢江北運河七百餘里堤埝潰塌
無慮數十處悉命填築完固清淮防勇世稱重鎮歷歲既久規
制稍渝調閱各營老弱者沙汰之畸零者補足之馬步各四營
以所裁步隊之餘填補馬隊之缺其水師尚有內河淮海之分
淮海船少不敷分布內河船多大半歲朽亦以次調閱以內河
之餘增補淮海之缺七年五月再護江蘇巡撫故事海濱沙田
十年一丈而書差需索豪地持甚為民累分派廉能之吏迭段
勘丈事竣而民不擾蘇州自收復後以來設有牙厘水利兩局
主其事者歷年久遠羣情所忌物議易生爰定新章局員三年
一易至今循之以庫款支絀請免加撥以示體恤而於額所應
支者亦嚴密鈎稽節省無算九年再護漕運總督十一年又護
江蘇巡撫是年江南鄉試輪應蘇撫監臨於舊章外酌定新章
場規整肅弊數一清十月詔授湖北巡撫服官江蘇十二年矣
自郡守藩司三攝巡撫再權漕督江蘇為財賦之區京餉及各
省協餉以至防海防邊之費皆取給焉權其緩急而不分畛域
從容應付措置裕如屬吏貪墨者罷之廉明有資政者疏薦之

尤以端本善俗為首務躬行節儉以身先之歷官至雲南巡撫
署雲貴總督卒於官年六十六

三

見年表二七三卷名宦